

112 年全國語文競賽原住民族語朗讀 【卡那卡那富語】國中學生組 編號 4 號

poiisua mupana'ʉ taniarʉ 'una

miaa miana miana miana ia, mamane mita 'una kani urucin taniarʉ.
urucin taniarʉ pupuiri arapipiningi. iimua tantaniara maciasʉ, 'akia
mapitʉ'ʉ. cau meesua tamna siacʉvʉrʉ, cucuru muru'inasʉ.
ka'anʉ tavara'ʉ tia nukanmana aramia'ʉ? tia nukanmana putukio? tia
nukanmana tarasangai? marapusu mamane meesua. 'akia cau tavara'ʉ tia
makananu nuari.
'una tacini nanmarua, Parumaci kisʉʉn. takacicini kamanʉngu tatia
rupacʉ. kesoniʉn cina in, neni tia kamanʉngaa su? marivari Parumaci, tia
maku pana'ʉn ucani taniarʉ. makasi cina: "noo cucuruin tavara'ʉn
mupana'ʉ ucani, manasʉ tia aramanʉngu cau tamna siacʉvʉrʉ." arantai
meesua matiananai cu, mati'arangʉ maringuna karu mataa capuku 'uringi.
kamanʉngu pa macasʉ tarisi. ikiriʉn kee tarisi iisua na tanasa.
marisʉ'ʉrʉ marivici na tia tukusaa in. aracan cu na taniarʉ. monangʉ 'inia
maritarʉ. ararakau cu taniarʉ! urunguʉn kee 'angici cumai
papanapa. 'urupaca nakanʉnga in rupacʉ mupana'ʉ taniarʉ.
musucʉkʉcʉkʉ na taniarʉ sua vuru. makacang nguain masutavʉrʉ na
canumu. surumu niarapitʉ'ʉ mamane 'ʉnai! mukʉrʉ cu tarisi sua Parumaci,

matisapʉsapʉ pui'i tanasa. mama'ari sii nimu'uru'uru cina in
mati'arangʉ maringuna karu. makacang matu'apuru, tavara'ʉ cu
Parumaci 'apaica sinangʉ iisua makacʉkʉna tanasa.
miaa koo pana'ʉn taniarʉ. urucin taniarʉ meesua. vanai sii
maciasʉ kavangvang sua taniara, muru'inasʉ cau cumacʉvʉrʉ. masini
nipana'ʉ cu ucani. nakai sua cucumeni ucani taniarʉ, ma'icʉpʉ arapipiningi.
makasua niara'akia cu ciasʉ mamane.
mapitʉ'ʉ kavangvang. nimiaranau makasua, 'apu'iarʉ cu
taniarʉ arapipiningi. sua nipana'ʉa taniarʉ ia, koo mamacai. nakai
nimiaranau musucara'ʉ. ka'anʉ cu tatia nguain tamna sinangʉ. sua cʉ'ʉraa
mita masini vuanʉ ia, nguai sua napana'ʉa meesua taniarʉ.
sua ninpana'ʉ taniarʉ nanmarua Parumaci iisua ia, cucuru putucauʉn
cau Kanakanavu. patanganaiʉn cu Naparumaci kisʉʉn. noo tiain marisusuna
nguain tamna nganai, tia musʉ'ʉ putucau kari Na- misee. sua patanganai
makasia ia, Kanakanavu tamna niurina.

射日傳說

遠古有兩個太陽輪流出現，每天都是白晝，沒有夜晚，當時的人類的生活很困擾，不知道要何時起床？何時工作？何時休息？大地非常混亂，沒有人知道未來將如何？

有位名為 Parumaci 的青年自製很大的弓箭，母親問他，這是要幹什麼的？Parumaci：「我要射下一個太陽。」媽媽：「若可以射下一個，或許人類的生活就會改善。」

從那時起，他們準備了乾柴和芒草莖，還製作很長的繩索。他把繩子拴在家裡，一直拉到他要去的地方，安靜的等待著。太陽出現了！他脫下所披的熊皮披風，用大弓箭射向太陽，箭矢插進了太陽，他立即浸泡入水。大地突然變暗！Parumaci 握著繩子摸索回家。幸好他母親立即點燃備妥了乾柴，Parumaci 靠著光線抵達家裡。

當時有兩個太陽時，因都是白晝人類因而艱苦。現在太陽被射下一個，另一個太陽也懼怕出現，大地沒有照明全是黑暗，如此一段時間。過了很久，另一個太陽慢慢地出現，被射殺的太陽並沒有死亡，但流血過多，光源不再強烈，現在看到的月亮，就是當時被射的太陽。

族人非常敬 Parumaci，稱呼他為 Naparumaci，在名字前加 Na-的敬語。